



## **NEGERI SABAH**

**JPAN:1000-9/159 Kit.2**

### **PEKELILING PERKHIDMATAN NEGERI SABAH BIL. 3 / 2023**

#### **TAPISAN KESELAMATAN SEMULA KEPADA PEGAWAI AWAM NEGERI MELALUI SISTEM e-VETTING**

##### **1. TUJUAN**

Pekeliling ini bertujuan untuk memberi maklumat berkenaan keputusan Kerajaan Negeri untuk menguatkuasakan Pekeliling Am Bilangan 5 Tahun 2021 : Tapisan Keselamatan Semula Kepada Pegawai Awam Melalui Sistem e-Vetting.

##### **2. LATAR BELAKANG**

- 2.1 Pejabat Ketua Pegawai Keselamatan Kerajaan Malaysia (CGSO) adalah kuasa pusat berkenaan dasar dan pengurusan tapisan keselamatan sebagaimana yang diperuntukkan dalam Arahan Keselamatan (Semakan dan Pindaan 2017). Semua urusan tapisan keselamatan hendaklah dirujuk kepada Ketua Pengarah Keselamatan Kerajaan. Tapisan keselamatan dijalankan melalui kerjasama strategik bersama Polis DiRaja Malaysia (PDRM), Jabatan Pendaftaran Negara (JPN) dan agensi-agensi lain yang berkaitan.

- 2.2. Tapisan keselamatan adalah satu proses yang dapat membantu menentang kegiatan-kegiatan subversif, espionaj, sabotaj dan keganasan sama ada dari dalam atau luar negara. Proses ini juga mampu mengenal pasti kelemahan keperibadian pegawai awam, komuniti keselamatan termasuklah mereka yang berurusan dengan mana-mana pihak yang mempunyai kepentingan kepada Kerajaan.
- 2.3 Tapisan keselamatan yang digunakan terdiri daripada Tapisan Keselamatan Halus dan Tapisan Keselamatan Kasar.
- 2.4 Kerajaan telah memutuskan pegawai yang dilantik ke perkhidmatan awam dikehendaki menjalani dan lulus tapisan keselamatan sama ada sebelum disahkan dalam perkhidmatan atau setelah disahkan dalam perkhidmatan. Walau bagaimanapun, atas faktor kelemahan peribadi serta risiko ancaman keselamatan, maka Tapisan Keselamatan Semula perlu dilaksanakan selepas lima (5) tahun keputusan tapisan keselamatan terdahulu diterima iaitu selaras dengan perenggan 157, Arahan Keselamatan (Semakan dan Pindaan 2017).
- 2.5 Impak positif yang boleh diperolehi daripada pelaksanaan Tapisan Keselamatan Semula ini adalah sebagai salah satu kaedah mengenalpasti aktiviti subversif serta kelemahan peribadi pegawai awam dan sekiranya tidak diberi perhatian serta tindakan mitigasi ianya boleh menjejaskan keselamatan dan kerahsiaan maklumat Kerajaan.

### **3. TAFSIRAN**

- 3.1 Bagi maksud dalam Pekeliling ini:

- 3.1.1 “**Ketua Jabatan**” termasuklah Setiausaha Tetap Kementerian, Ketua Jabatan Negeri, Pegawai Daerah, Penolong Pegawai Daerah bagi daerah kecil, Ketua Badan Berkanun Negeri, Ketua Pihak Berkuasa Tempatan dan Ketua bagi agensi lain yang kepadanya Akta Rahsia Rasmi 1972 (Akta 88) terpakai.
- 3.1.2 “**pegawai awam**” bermaksud seseorang yang dilantik oleh Suruhanjaya Perkhidmatan Awam Negeri di bawah Artikel 37 Perlembagaan Negeri Sabah atau mana-mana Pihak Berkuasa Melantik di bawah Kerajaan Negeri Sabah sama ada secara tetap, sementara atau kontrak.
- 3.1.3 “**pengesah jabatan**” bermaksud pegawai awam yang dilantik oleh Ketua Jabatan yang berperanan untuk menyemak, membuat pengesahan ke atas permohonan dan seterusnya memajukan permohonan tapisan keselamatan tersebut kepada Pejabat Ketua Pegawai Keselamatan Kerajaan Malaysia (CGSO) melalui Sistem e-Vetting.
- 3.1.4 “**perkhidmatan awam**” bermaksud perkhidmatan awam yang diliputi oleh Akta Rahsia Rasmi 1972 (Akta 88) iaitu:
- (a) mana-mana perkhidmatan awam yang disebutkan dalam Perkara 132 Perlembagaan Persekutuan termasuk sesuatu Kementerian, sesuatu jabatan Kerajaan, atau sesuatu mahkamah;
  - (b) sesuatu dewan bandaraya, majlis perbandaran, majlis daerah, lembaga perbandaran atau pihak berkuasa tempatan;



- (c) sesuatu pihak berkuasa berkanun yang menjalankan kuasa-kuasa yang terletak hak padanya menurut undang-undang Persekutuan atau Negeri; dan
  - (d) mana-mana jua badan, institusi atau pihak berkuasa yang diisytiharkan dengan perintah yang disiarkan dalam Warta sebagai suatu perkhidmatan awam bagi maksud takrifan ini.
- 3.1.5 "**tapisan keselamatan**" bermaksud satu proses yang dapat membantu menentang kegiatan-kegiatan subversif, espionaj, sabotaj dan keganasan sama ada dari dalam atau luar negara. Proses ini mampu mengenal pasti kelemahan keperibadian pegawai awam yang memungkinkan mereka terlibat dengan pendedahan maklumat rahsia rasmi.
- 3.1.6 "**Tapisan Keselamatan Halus**" ialah proses teliti yang digunakan bagi menapis pegawai awam yang dikehendaki melihat rahsia rasmi pada peringkat "Rahsia" atau "Rahsia Besar" atau perkara-perkara yang boleh memudaratkan keselamatan perlindungan.
- 3.1.7 "**Tapisan Keselamatan Kasar**" ialah proses asas yang digunakan bagi menapis pegawai awam yang dikehendaki melihat rahsia rasmi setakat peringkat "Sulit" atau perkara-perkara yang boleh menjejaskan keselamatan perlindungan.
- 3.1.8 "**Tapisan Keselamatan Semula**" ialah proses tapisan keselamatan yang dilaksanakan bagi menapis semula pegawai awam bagi menjamin kesetiaan, keutuhan dan integriti seseorang sepanjang perkhidmatannya.

## **PELAKSANAAN TAPISAN KESELAMATAN SEMULA**

4. Ketua Jabatan hendaklah memastikan permohonan Tapisan Keselamatan Semula yang dihantar oleh pegawai kepada Pejabat Ketua Pegawai Keselamatan Kerajaan Malaysia (CGSO) telah disahkan oleh Pengesah Jabatan dalam Sistem e-Vetting dan memenuhi kriteria-kriteria seperti berikut:
  - a) Pegawai telah menjalani dan lulus Tapisan Keselamatan Halus atau Tapisan Keselamatan Kasar; dan
  - b) Pegawai mempunyai keputusan tapisan keselamatan telah melebihi tempoh lima (5) tahun atau mengikut keperluan keselamatan.
5. Pegawai yang telah memenuhi kriteria di perkara 4 hendaklah mengemukakan permohonan Tapisan Keselamatan Semula dengan memilih jenis permohonan Tapisan Keselamatan Semula dalam Sistem e-Vetting dan pelaksanaannya hanya melibatkan proses Tapisan Keselamatan Kasar. Garis panduan permohonan Tapisan Keselamatan Semula boleh diperolehi dari Portal CGSO dan Manual Pengguna dalam Sistem e-Vetting.

## **6. TARIKH KUAT KUASA**

Pekeliling ini berkuat kuasa mulai dari tarikh pekeliling ini dikeluarkan.

## **7. PEMAKAIAN**

Peruntukan Pekeliling Perkhidmatan ini pada keseluruhannya hendaklah diguna pakai oleh semua Perkhidmatan Awam Negeri, Pihak Berkuasa Berkanun Negeri dan Pihak Berkuasa Tempatan. Pekeliling ini juga hendaklah dibaca bersama dengan Arahan Keselamatan (Semakan dan Pindaan 2017).

## 8. MAKLUMAT PERTANYAAN

Pertanyaan berhubung proses pengurusan Tapisan Keselamatan Semula boleh menghubungi Pejabat Ketua Pegawai Keselamatan Kerajaan Malaysia (CGSO) seperti yang berikut:

**Pejabat Ketua Pegawai Keselamatan Kerajaan Malaysia**

Jabatan Perdana Menteri

Aras -1, 1 dan 2, Setia Perdana 7

Pusat Pentadbiran Kerajaan Persekutuan

62502 Wilayah Persekutuan Putrajaya

**Telefon** : 03 8872 6021/ 6012/ 6015/ 6020

**Faks** : 03 8888 3270

Sekian.

[ DATUK SERI PANGLIMA Sr. HAJI SAFAR BIN UNTONG, JP ]

Setiausaha Kerajaan Negeri

Tarikh : **01 MAR 2023**

Diedarkan kepada :

- Semua Setiausaha Tetap Kementerian
- Semua Ketua Jabatan
- Semua Pihak Berkuasa Berkanun Negeri
- Semua Pegawai Daerah
- Semua Penolong Pegawai Daerah, Daerah Kecil
- Semua Pihak Berkuasa Tempatan